

儒門事親

金 睢州 張子和 著
明 新安 吳勉學 校

卷二

喉舌緩急砭藥不同解二十一

咽與喉。會厭與舌。此四者。同在一門。而其用各異。喉以候氣。故喉氣通於天。咽以嚥物。故咽氣通於地。會厭與喉。上下以司開闔。食下則吸而掩。氣上則呼而出。是以舌抵上齦。則會厭能閉其咽矣。四者相交爲用。闕一則飲食廢而死矣。此四者。乃氣與食出入之門戶。最急之處。故難經言七衝門。而會厭之下爲吸門。及其爲病也。一言可了。一言者何。曰火。內經曰。一陰一陽結。謂之喉痺。王太僕註云。一陰者。手少陰君火。心主之脈氣也。手少陽相火。三焦之脈氣也。二火皆主脈。並絡於

喉氣熱則內結。結甚則腫脹。腫脹甚則痺。痺甚而不通則死矣。夫足少陰循喉嚨。俠舌本。少陰上俠咽。此二者誠是也。至於足陽明。下人迎。循喉嚨。足太陰。俠咽連舌本。手太陽。循咽下鬲。足厥陰。循喉嚨之後。此數經皆言咽喉。獨少陽不言咽喉。而內經言一陰一陽。謂之喉痺。何也。蓋人讀十二經。多不讀靈樞經中別十一篇。且載十二經之正。其文云。足少陽之正。繞脾入毛際。合於厥陰。別者入季脇間。循胸裏屬膽。散之上肝貫心。以上俠咽。出頤頷。散於面繫目系。合少陽於外眥也。又手心主之正。別下淵腋三寸。入胸中。別屬三焦。出循喉嚨。出耳後。合少陽完骨之下。是手少陽三焦之氣。與手心主少陰之氣相合。而行于喉嚨也。推十二經惟足太陽別項下。其餘皆湊于喉嚨。然內經何爲獨言一陰一陽結爲喉痺。蓋君相二火獨勝。則熱結正絡。故痛且速也。余謂一言可了者。火是也。故十二經中言噤。噤。噤。咽。腫。頤。腫。舌本強。皆君火爲之也。唯喉痺急速。相火之所爲也。夫君火者。猶人火也。相火者。猶龍火也。人火焚木。其勢緩。龍火焚木。其勢速。內經之言喉痺。則咽與舌在其間耳。以其病同是火。故不分也。後之醫者。各詳其狀。強立八名。曰單乳蛾。雙乳蛾。單閉喉。子舌脹。木舌脹。纏喉風。走馬喉閉。熱氣上行。結薄於喉之兩

傍。近外腫作。以其形似。是謂乳蛾。一爲單。二爲雙也。其比乳蛾差小者。名閉喉。熱結於舌下。復生一小舌子。名曰子舌脹。熱結於舌中。舌爲之腫。名曰木舌脹。木者。強而不柔和也。熱結於咽。項腫遶於外。且麻且痒。腫而大者。名曰纏喉風。喉痺暴發。暴死者。名走馬喉痺。此八種之名難詳。若不歸之火。則相去遠矣。其微者可以鍼灸之。而大者以辛散之。今之醫者。皆有其藥也。如薄荷、烏頭、僵蠶、白礬、朴硝、銅綠之類也。至于走馬喉痺。何待此乎。其生死人反掌之間耳。其最不誤人者。無如砭鍼出血。血出則病已。易曰。血去惕出。良以此夫。昔余以治一婦人木舌脹。其舌滿口。諸藥不愈。余以鉗鍼小而銳者砭之。五七度腫減。三日方平。計所出血幾至盈斗。又治一男子纏喉風腫。表裏皆作。藥不能下。余以涼藥灌於鼻中。下十餘行。外以拔毒散傅之。陽起石燒赤。與伏龍肝各等分細末。每日以新水掃百遍。三日熱始退。腫始消。又嘗治一貴婦喉痺。蓋龍火也。雖用涼藥而不可使令服。爲龍火宜以火逐之。人火者。烹飪之火是也。乃使爆於烈日之中。登于高堂之上。令侍婢攜火爐。坐藥銚于上。使藥常極熱。不至大沸。通口時時呷之。百餘次。龍火自散。此法以熱行寒。不爲熱病。杆格故也。大抵治喉痺。用鍼出血。最爲上策。但人畏鍼。委

曲傍求。瞬息喪命。凡用鍼而有鍼創者。宜搗生薑一塊。調以熱白湯。時時呷之。則創口易合。銅人中亦有灸法。然痛微者可用。病速者恐遲。則殺人。故治喉痺之火。與救火同。不容少待。內經火鬱發之。發謂發汗。然咽喉中。豈能發汗。故出血者。乃發汗之一端也。後之君子。毋執小方。而曰吾藥不動臟腑。又妙於出血。若幸遇小疾而獲功。不幸遇大病而死矣。毋遺後悔可矣。

五積六聚治同鬱斷一十二

先賢說五積六聚甚明。惟治法獨隱。其言五積曰。肝之積。名曰肥氣。在左脇下。如覆杯。有頭足。久不已。令人發欬逆瘕瘕。連歲不已者是也。心之積。名曰伏梁。起於臍。大如臂。上至心下。久不已。令人病煩心。脾之積。名曰痞氣。在胃脘。覆大如盤。久不已。令人四肢不收。發黃疸。飲食不爲肌膚。俗呼爲食勞黃也。肺之積。名曰息賁。賁在左脇下。大如覆杯。久不愈。令人洒淅寒熱。喘嗽。發肺癰。腎之積。名曰黃豚。發于少腹。上至心下。若豚狀。或上或下。無時。久不已。令人喘逆。骨疼。少氣。此五積之狀。前賢言之。豈不分明。徧訪醫門。人人能道。及問治法。不過三稜。廣茂。乾漆。礪砂。陳

皮、礪石、芭荳之類。復有不明標本者。又從而補之。豈有病積之人。大邪不出。而可以補之乎。至于世之磨積取積之藥。余初學醫時。亦曾用之。知其不效。遂爲改轍。因考內經。驟然大悟。內經曰。木鬱則達之。火鬱發之。土鬱奪之。金鬱泄之。水鬱折之。王太僕曰。達謂吐。發謂汗。奪謂下。泄謂利。小便。折謂折其衝逆。此五者。五運爲司。天所制。故立此五法。與五積若不相似。然蓋五積者。因受勝己之邪。而傳於己之所勝。適當旺時。拒而不受。復還於勝己者。勝己者不肯受。因留結爲積。故肝之積。得於季夏戊己日。心之積。得於秋庚辛日。脾之積。得於冬壬癸日。肺之積。得於春甲乙日。腎之積。得於夏丙丁日。此皆抑鬱不伸。而受其邪也。豈待司天尅運。然後爲之鬱哉。且積之成也。或因暴怒。喜悲。思恐之氣。或傷酸苦甘辛鹹之食。或停溫涼熱寒之飲。或受風暑燥寒火濕之邪。其初甚微。可呼吸按導。方寸大而去之。不幸而遇庸醫。強補而留之。留而不去。遂成五積。夫肥氣者。不獨氣有餘也。其中亦有血矣。蓋肝藏血故也。伏梁者。火之鬱也。以熱藥散之。則益甚。以火灸之。則彌聚。況伏梁證有二。名同而實異。不可不詳焉。其一伏梁。上下左右皆有根。在腸胃之外。有大膿血。此伏梁義同肚癰。其一伏梁。身體髀股胙皆腫。環臍而痛。是爲風

根不可動。動則爲水瀰瀦之病。此二者。內經雖言不可動。止謂不可大下。非謂全不可下。恐病去而有害痞氣者。舉世皆言寒則痞。內經以爲濕則痞。雖因飲冷而得。其陽氣爲濕所蓄。以熱攻之則不散。以寒攻之。則濕去而寒退矣。息貴者喘息憤而上行也。此舊說也。余以謂貴者。貴門也。手太陰之筋。結胸裏而貫貴。入貴下抵季脇。其病支轉筋痛甚。則成息貴。手心主結於臂。其病胸痛息貴。又云。肺下則居貴迫。肝善脇下痛。肝高則上支貴。兩脇惋爲息貴。若是言之。是積氣於貴而不散。此靈樞說五臟處。言此貴自是多。故予發之。貴豚者。貴與奔同。銅人言或因讀書得之。未必皆然也。腎主骨。此積最深難療。大忌吐涌。以其在下。止宜下之。故予嘗以獨聖散吐肥氣。搯以木架。必煥室中吐兼汗也。肝之積。便言風也。吐出數升後。必有血一二滴。勿疑。病當然也。續以磨積之藥調之。嘗治伏梁。先以茶調散吐之兼汗。以禹功導水奪之。繼之以降火之藥調之。又嘗治痞氣。萬舉萬全。先以瓜蒂散吐其酸苦黃膠腥腐之物。三二升。次以導水禹功。下二三十行。末以五苓淡劑等藥調之。又嘗治息貴。用瓜蒂散。不計四時。置之煥室中。更以火一爐。以助其汗吐。汗下二法齊行。此病不可逗遛。久則傷人。又嘗治貴豚。以導水通經。三日一

下之。一月十下。前後百行。次用治血。化氣磨積之藥調之。此積雖不傷人。亦與人偕老。若六聚之物。在腑屬陽。而無形。亦無定法。故此而行之。何難之有。或言余之治積太峻。予曰。不然。積之在臟。如陳莖之在江河。且積之在臟中。間多着脂膜。曲折之處。區白之中。陳莖之在河江。不在中流。多在汀灣洄薄之地。遇江河之溢。一漂而去。積之在臟。理亦如之。故予先以丸藥驅逐新受之食。使無梗塞。其碎着之積。已離而未下。次以散藥滿胃而下。橫江之筏。一壅而盡。設未盡者。以藥調之。惟堅積不可用此法。宜以漸除。內經曰。堅者削之。今人言塊癖是也。因述九積圖。附于篇末。以俟來哲。知余用心獨苦久矣。而世無知者。食積酸心腹滿。大黃牽牛之類。甚者礪石巴豆。

酒積目黃口乾。葛根麥蘖之類。甚者甘遂牽牛。
氣積噎氣痞塞。木香檳榔之類。甚者枳殼牽牛。
涎積咽如拽鋸。朱砂膩粉之類。甚者瓜蒂甘遂。
痰積涕唾稠粘。半夏南星之類。甚者瓜蒂藜蘆。
癖積兩脇刺痛。三稜廣茂之類。甚者甘遂蝎梢。

儒門事親 卷三 斥十膈五噎浪分支派疏二十三

水積足脛脹滿。郁李商陸之類。甚者甘遂芫花。

血積打撲胸痞。產後不月。桃仁地榆之類。甚者蝨蟲水蛭。

肉積癰瘤核癰。膩粉白丁香。砭刺出血。甚者礞砂信石。九積皆以氣為主。各據所屬之狀而對治之。今人總此諸藥。併爲一方。曰可治諸積。大謬也。吾無此病。焉用此藥。吾無彼病。焉用彼藥。十羊九牧。何所適從。非徒無益而又害之。

斥十膈五噎浪分支派疏二十二

病派之分。自巢氏始也。病失其本。亦自巢氏始也。何者。老子曰。少則得多則惑。且俗謂噎食一證。在內經苦無多語。惟曰三陽結謂之膈。三陽者。謂大腸小腸膀胱也。結謂結熱也。小腸熱結則血脈燥。大腸熱結則後不圓。膀胱熱結則津液涸。三陽既結則前後闕塞。下既不通。必反上行。此所以噎食不下。縱下而復出也。謂胃爲水穀之海。日受其新。以易其陳。一日一便。乃常度也。今病噎者。三日五日。或五七日不便。是乖其度也。亦明矣。豈非三陽俱結於下。廣腸枯涸。所食之物。爲咽所拒。縱入太倉。還出咽嗑。此陽火不下。推而上行也。故經曰。少陽所至爲嘔涌溢食。

不下。此理豈不曉然。又氣厥論云。肝移寒於心。爲狂。膈中。陽氣與寒相薄。故膈食而中不通。此膈陽與寒爲之也。非獨專於寒也。六節藏象又云。人迎四盛以上爲格陽。王太僕云。陽盛之極。故膈拒而食不得入。正理論曰。格則吐逆。故膈亦當爲格。後世強分爲五噎。謂氣憂食思勞也。後又分爲十膈五噎。其派既多。其惑滋甚。人之溢食。初未必遽然也。初或傷酒食。或胃熱欲吐。或胃風欲吐。醫氏不察本原。火裏燒薑。湯中煮桂。丁香未已。豆蔻繼之。華撥未已。胡椒繼之。雖曰和胃。胃本不寒。雖曰補胃。胃本不虛。設如傷飲。止可逐飲。設如傷食。止可逐食。豈可言虛。便將熱補。素問無者。於法猶非。素熱之人。三陽必結。三陽既結。食必上潮。醫氏猶云。胃寒不納。燔鍼鑽肉。炷艾灼肌。苦楚萬千。三陽熱結。分明一句。到了難從。不過抽薪最爲緊要。揚湯止沸。愈急愈增。歲月彌深。爲醫所誤。人言可下。退湯養陰。張眼吐舌。恐傷元氣。止在中和。閉塞不通。經無來路。腸宜通暢。是以鳴腸。腸既不通。遂成噎病。世傳五噎寬中散。有薑有桂。十膈散。有附有烏。今予既斥其方。信乎與否。以聽後賢。或云。憂患氣結。亦可下乎。余曰。憂患礧礧。便同大鬱。太倉公見此。皆下。法廢以來。千年不復。今代劉河間治膈氣噎食。用承氣三湯。獨超。

近代。今用藥者。不明主使。如病風狂。嗜嗜。不及觀其效。猶昧本原。既懶問答。妄興非毀。今予不恤。姑示後人。用藥之時。更詳輕重。假如閱久。慎勿陡攻。縱得攻開。必慮後患。宜先潤養。小着湯丸。累累加之。關局自透。其或咽噎。上阻涎痰。輕用苦酸。微微涌出。因而治下。藥勢易行。設或不行。蜜鹽下導。始終勾引。兩藥相通。結散陽消。飲食自下。莫將巴豆。耗却天真。液燥津枯。留毒不去。人言此病。曾下奪之。從下奪來。轉虛轉痞。此爲巴豆。非大黃牽牛之過。箕城一酒官。病嘔吐。踰年不愈。皆以胃寒治之。丁香半夏。青陳薑附。種種燥熱。燒錐燎艾。莫知其數。或少愈。或復劇。且十年。大便秘燥。小便赤黃。命予視之。予曰。諸痿喘嘔。皆屬于上。王太僕云。上謂上焦也。火氣炎上之氣。謂皆熱甚而爲嘔。以四生丸下三十行。燥糞腸垢。何啻數升。其人昏困一二日。頻以冰水呷之。漸投涼乳酪。芝蔴飲。時時嚥之。數日外大啜飲。食。精神氣血如昔。繼生三子。至五旬而卒。

飲當去水溫補轉劇論二十四

留飲。止證也。不過蓄水而已。王氏脈經中。派之爲四。痰飲。懸飲。支飲。溢飲。千金方。

又派之爲五飲。皆觀病之形狀而定名也。今予皆不論。此論飲之所得。其來有五。有憤鬱而得之者。有困乏而得之者。有思慮而得之者。有痛飲而得之者。有熱時傷冷而得之者。飲證雖多。無出于此。夫憤鬱而不得伸。則肝氣乘脾。脾氣不化。故爲留飲。肝主慮。久慮而不決。則飲氣不行。脾主思。久思而不已。則脾結。故亦爲留飲。人因勞役遠來。乘困飲水。脾胃力衰。因而嗜臥。不能布散於脈。亦爲留飲。人飲酒過多。腸胃已滿。又復增之。脬經不及滲泄。久久如斯。亦爲留飲。因隆暑津液焦涸。喜飲寒水。本欲止渴。乘快過多。逸而不動。亦爲留飲。人若病飲者。豈能出此五者之外乎。夫水者。陰物也。但積水則生濕。停酒則生燥。久則成痰。在左脇者。同肥氣。在右脇者。同息賁。上入肺則多嗽。下入大腸則爲瀉。入腎則爲涌水。濯濯如囊漿。上下無所之。故在太陽則爲支飲。皆由氣逆而得之。故濕在上者。目黃面浮。在下者。股膝腫厥。在中者。支滿痞隔痰逆。在陽不去者。久則化氣。在陰不去者。久則成形。今之用方者。例言飲爲寒積。皆用濕熱之劑。以補之燥之。夫寒飲在中。反以熱藥從上投之。爲寒所拒。水濕未除。反增心火。火既不降。水反下注。其上焦枯。其下寒慄。內經曰。出入廢則神機化滅。升降息則氣立孤危。渠不信夫。況乎留飲下。

無補法。氣方隔塞。補則轉增。豈知內經所謂留者攻之。何後人不師古之甚也。且以白朮參苓。飲者服之。尙加悶塞。沉燔鍼艾火。其痞可知。前人處五飲丸三十餘味。其間有礬石巴豆附子烏頭。雖是下攻。終同燥熱。雖亦有寒藥相參。力孤無援。故今代劉河間依仲景十棗湯。製三花神祐丸。而加大黃牽牛。新得之疾。下三五十丸。氣流飲去。昔有病此者。數十年不愈。予診之。左手脈三部皆微而小。右手脈三部皆滑而大。微小爲寒。滑大爲燥。余以瓜蒂散。湧其寒痰數升。汗出如沃。次以導水禹功。去腸胃中燥垢亦數升。其人半愈。然後以淡劑流其餘蘊。以降火之劑。開其胃口。不踰月而痊。夫黃連黃柏。可以清上燥濕。黃耆茯苓。可以補下滲濕。二者可以收後。不可以先驅。復未盡者。可以苦葶藶杏仁桑白皮椒目逐水之藥。伏水皆去矣。夫治病有先後。不可亂投。邪未去時。慎不可補也。大邪新去。恐反增其氣。轉甚於未治之時也。昔河內有人病飲。醫者斷爲脾濕。以木香牽牛二味散之。下十餘行。因給病人。復變散爲丸。又下十餘行。復變丸爲散。又十餘行。病者大困。睡幾一晝夜。旣覺。腸胃寬潤。惟思粥食少許。日漸愈。雖同斷爲濕。但補瀉不同。其差至此。內經曰。歲土太過。雨濕流行。腎水受邪。甚則飲發中滿。太陽司天。濕氣變。

物。水飲內蓄。中滿不食。註云。此年太陰在泉。濕監於地。病之原始。地氣生焉。少陰司天。濕土爲四之氣。民病飢飢飲發。又土鬱之發。民病飲發。注下。跗腫身重。又太陰所至。爲積飲否隔。又太陰所至蓄滿。又太陰之勝。與太陰之復。皆云飲發于中。以此考之。土主濕化。不主寒。水主寒化。不主濕。天多澔雨。地有積潦。皆以爲水。在內經屬土。米霜凝沍。風氣淒凜。此水之化也。故曰丑未太陰濕土。辰戌太陽寒水。二化本自不同。其病亦異。夫濕土太過。則飲發于中。今人以爲脾土不足。則軒岐千古之書。可從乎。不可從乎。

嗽分六氣毋拘以寒述二十五

嗽與咳一證也。後人或以嗽爲陽。欬爲陰。亦無考據。且內經欬論一篇。純說嗽也。其中無欬字。由是言之。咳卽嗽也。嗽卽咳也。陰陽應象大論云。秋傷於濕。冬生咳嗽。又五藏生成篇云。咳嗽上氣。又診要經終云。春刺秋分。環爲欬嗽。又示從容篇云。欬嗽煩冤者。腎氣之逆也。素問惟以四處連言欬嗽。其餘篇中。止言咳。不言嗽。乃知咳嗽一證也。或言嗽爲別一證。如傷寒書中說欬逆。卽咽中作梯磴之聲者。

是也。此一說。非內經止以嗽爲咳。生氣通天論云。秋傷於濕。上逆而嗽。應象大論。文義同而無嗽字。乃知嗽卽是嗽明矣。余所以若此論者。孔子曰。必也正名乎。嗽之爲病。自古歸之肺。此言固不易也。素問言肺病喘嗽逆。又曰。嗽嗽上氣。厥在胸中。過在手太陰陽明靈樞十二經。惟太陰肺經云。肺脹滿。膨膨而喘咳。他經則不言。素問嗽論。雖言五臟六腑皆有嗽。要之止以肺爲主。素問言皮毛者。肺之合也。皮毛先受邪氣。註云。邪謂寒氣。經又曰。邪氣以從其合也。其寒飲食入胃。從脾脈上至于肺。則肺寒。肺寒則內外合邪。因而客之。則爲肺嗽。後人見是言。斷嗽爲寒。更不叅較他篇。豈知六氣皆能嗽人。若謂嗽止爲寒邪。何以歲火太過。炎暑流行。金肺受邪。民病嗽。歲木不及。心氣晚治。上勝肺金。嗽而戴。從革之紀。金不及也。其病嚏嗽。堅成之紀。金太過也。上徵與正商同。其病嗽。少陽司天。火氣下臨。肺金上從。嗽嚏。少陽司天。火淫所勝。嗽唾血。煩心。少陽司天。主勝則胸滿嗽。少陽司天之氣。熱鬱於上。嗽逆嘔吐。三之氣。炎暑至。民病嗽嘔。終之氣。陽氣不藏而嗽。少陽之復。枯燥煩熱。驚廩嗽。甚則嗽逆而血泄。少陰司天。熱氣生於上。清氣生於下。寒熱凌犯而生於中。民病嗽喘。三之氣。天政布。大火行。餘火內格。腫於上。嗽喘。

甚則血溢。少陰司天。客勝則鼽嚏。甚則咳喘。少陰之復。燠熱內作。氣動於左。上行於右。欬。皮膚痛。則入肺。欬而鼻淵。若此之類。皆生於火與熱也。豈可專於寒乎。謂欬止於熱與火耶。厥陰司天。客勝則耳鳴掉眩。甚則欬。若此之類。乃生於風。豈可專於熱與火也。謂欬專於風耶。太陰司天。濕淫所勝。欬唾則有血。太陰之復。濕變乃舉。欬發于中。欬喘有聲。若此之類。乃生於濕。豈可專於風也。謂咳止於濕耶。金鬱之發。民病欬逆。心脇痛。歲金太過。燥氣流行。肝木受邪。民病欬喘逆。逆甚而嘔血。陽明司天。金火合德。民病欬噎塞。陽明司天。燥淫所勝。欬腹中鳴。陽明司天。清復內。餘則欬咽噎塞。心膈中熱。欬不止而目血出者死。陽明之勝。清發于中。噎塞而欬。陽明之復。清氣大舉。欬噎煩心。若此之類。皆生于燥。豈可專於濕也。謂欬止於燥耶。太陽司天。客氣勝則胸中不利。出清涕。感寒則欬。若此之類。乃生於寒。豈可專於燥也。又肺風之狀。多汗惡風。色餅然白。時欬短氣。晝日則差。夜暮則甚。亦風欬也。勞風咳。出青黃涕。其狀如膿。大如彈丸。亦風咳也。有所亡失。所求不得。則發肺鳴。鳴則肺熱葉焦。亦熱欬也。陽明厥逆。喘欬身熱。亦熱欬也。一陽發病。少氣善欬。亦火欬也。喘欬者。水氣并於陽明。亦溫欬也。風水不能正偃。則欬。亦溫欬也。

腎氣腹大脰腫喘欬身重亦溫欬也脾痺者四肢懈墜發咳嘔汁上爲大寒亦寒欬也欬之六氣固然可以辯其六者之狀。

風乘肺者日夜無度汗出頭痛涎痰不利非風欬之云乎。

熱乘肺者急喘而嗽面赤潮熱手足寒乳子亦多有之非暑欬之云乎。

火乘肺者咳喘上壅涕唾出血甚者七竅血溢非火欬之云乎。

燥乘肺者氣壅不利百節內痛頭面汗出寒熱往來皮膚乾枯細瘡燥痒大便秘澁涕唾稠粘非燥欬之云乎。

寒乘肺者或因形寒飲冷冬月坐臥濕地或冒冷風寒秋冬水中感之嗽急而喘非寒咳之云乎其法治也風之嗽治以通聖散加半夏大人參半夏丸甚者汗之暑之嗽治以白虎湯洗心散涼散膈加蜜一匙爲呷之火之嗽治以黃連解毒湯洗心散三黃丸甚者加以鹹寒大下之濕之嗽治以五苓散桂苓甘露散及白朮丸甚者以三花神祐丸下之燥之嗽治以木香葶藶散大黃黃連阿膠丸甚者以鹹寒大下之寒之嗽治以寧神散寧肺散有寒痰在上者以瓜蒂散越之此法雖已幾於萬全然老幼強弱虛實肥瘦不同臨時審定權衡可也病有變態而吾之

方亦與之俱變。然則枯鑾乾薑爲梅壘粟殼。其誤人也。不爲少矣。嗚呼。有人自幼欬嗽。至老不愈。而亦不死者。余平生見此等無限。或小年咳嗽。不計男女。不數月而殞者。亦無限矣。夫寧神寧肺散。此等之人。豈有不曾服者哉。其不愈而死者。以其非寒嗽故也。彼執款冬花佛耳草至死不移者。雖與之割席而坐可也。曹魏時軍吏李成苦欬嗽。晝夜不寐。時吐膿血。華佗以謂欬之所吐。非從肺來。以苦劑二錢匕。吐膿血二升餘而瘥。若此之嗽。人不可不知也。

九氣感疾更相爲治衍二十一十六

天以氣而熏。地以氣而持。萬物盈乎天地之間。咸以氣而生。及其病也。莫不以氣而得。且風之氣。和平而豐啓。熱之氣。暄而舒榮。火之氣。炎暑而行出。濕之氣。埃溽而貞盈。燥之氣。清勁而悽愴。寒之氣。寒霧而歸藏。此六氣時化。司化之常也。及其變。風之氣。飄怒而反大涼。熱之氣。大暄而反寒。火之氣。飄風燔燎而反霜凝。濕之氣。雷霆驟注而反烈風燥之氣。散落而反溫。寒之氣。寒雪冰雹而反白埃。此六氣之變也。故天久寒則治之以暑。天久涼則治之以暄。天久晦則治之以明。天久晴